

الرشاد

س ۱ ۳۰ ۳ ۱ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف اديب

سبیل الرشاد

انتباه اسلام خصوصاً صحنه کی همت و حمیت دیندارانه لری جداً شایان تقدیر در . توجه عالیکزه تشکر لری ایدرز . ارزونی عالیلری وجهله اناطولیده معموره العزیز ولایتی داخلنده ملاطیه سنجاغنده اچقه طاغ قضاسی مفتیمی افندی واسطه سیله قضای مذکور طلبه علومى ايله مطالعہی ارزو ایدن سائر ذوات نامنه (۲۰۹ - ۲۳۸) ۳۰ نسخه قید اولوب ارسالاته باشلامشدر .

بیروت ادخالات کمرک مدیریتى معاینه مأمور لرلندن بکرسامی بک دن آدیغمز بر مکتوبیده مناسب بر محبه النی آی کوندرلنک اوزره اوتوز بش عروش کوندرلیدیکی بیلدیریلور . بو آونهده ۲۰۹ نومرو دن اعتباراً بغداد اعظمیه ناحیه سی مرکزنده امام اعظم جاده سنده کائن تربیه اسلام مکتبته قید اوله رق ارسالاته باشلامشدر . بکرسامی بکک حمیت و توجه عالیلرینه بیان تقدیر ايله عرض تشکر اولور .

مَطْبُوعَات

دارالجهادده افغانیلر

افغانستانک (کابل) شهرنده انتشار ایدن (سراج الاخبار) جریده سنک مصری (غلام نقشبند خان کحال افغانی) مذکور غزته یه یازدیغی بر مکتوبیده شه فقر دبی درج ایدیور :

« مصر ، شام ، بغداد ، اناطولی واستانبولده ساکن اولوبده ، پادشاه محترم لریک طرابلس و بنغازی مجاهد لرینه معارفت تقدیه ده بولونماسی حقنده کی اراده سندن (سراج الاخبار) واسطه سیله خبردار اولان افغانیلر ، همشهریلر ، وطنده ماللریله مجاهدینه یاردم ایتدکاری حالده بزته یه بدنا ایفای معاونت ایتیه یئم ؟ دیهرک بشر بشر ، اونر اونر مصر طریقله میدان حربه عزیمت ایلهدیلر . بونلردن یوزاللی قدر کیمسه ايله کوروشدم . حتی انکلیز جنتلنی قیافتنده برکنج ايله ملاقی اولدم که اوروبا سرپوشی آلتنده کی چهره سنده نورایمان بارلیوردی . لدی التحقیق آکادم که افغانی برده لیقانی اولوب برای تحصیل لوندیه کیتمش واکمال تحصیل ايله مصره کلش . ایچه مقداره بالغ اولان نقدیله اشیا سنی معتمد برذاته تودیع ايله (سلامتله دوترسم آلیرم ، نائل شهادت اولورسم بونلری هلال احمر جمعیتنه ویریکن) دیدیکدن صوکره ساحه جهاده متوجهاً عزیمت ایتدی . »

هندستانده اتحاد اسلام

(نامس) غزته سنده نشر ایدیلن (هندستانده اتحاد اسلام عنوانلی مقاله ده مجملاً دینیایور که :

« برچوق زمانلر کاه اتحاد اسلامک مهالکی استخفاف ایدلکله وکاه حرکت مذکورده نک اهمیت فوق العاده اعظام ایدلکله کچدی ؛ فقط بوروایات و مطالعات مختلفه توالی ایتدیکی صره ده و خصوصیه برطاقم وقایع اخیرده نک تأثیریه فکر مذکور نامسبق درجه ده قوت ، انسجام و اهمیت کسب ایتدی . پان اسلامیزمک باشلیجه منبعی اوروپاده و بالخاصه عثمانیلرک ، مصریلرک ، عربلرک و عجملرک زیاده مقدارده مجتمع بولندقلری بارسده در . تعلیمات ، معتمد آدملر واسطه سیله مذکور مرکز دن ارسال ایدلکده ، ممالک اسلامیه ده طرفدار جمع اولمقده در . سلطان عبدالحمید و محمد علی شاهک خلعلرندن صوکره

— مکتبلرده ، باخصوص علوم عالیله تحصیلنه مخصوص مؤسسه لر مدنیت حاضرده نک مفید نقطه لريله دینی هم آهنگ اوله رق یوروتورلر . نه دینی مدنیت حاضرده علمیه ونه ده مدنی دین علمیه استعمال ایتزلر . هم مدنی ، هم ده متدین اولق ایتزلر . معافیه دین و اهل سنت مذهبی علمیه بعض فرقه لرده ظهور ایتیه باشلامشدر . از جمله بر معتزلی مذهبی میدان آلمقده در . مثلاً اکابر علمادن سید احمد خان قرآن اوزرینه بر تفسیر یاپه رق دین اسلامده معجزه و خوارق عادات کبی شیلر اولدیغنی سولیلورلر .

صکره سید جراح علی ده تعدد زوجاتک ، اسارتک ، طلاقک عدم جوازینه قائل اولیور . حقوق دول قواعدندن خارج اولان اسارتی تجویز ایتدیکی کبی بر قوجه نک قاریسی بوشامسی ایلده طلاق جائز اولماز دیور . طلاقک صحیح اولسی ایچون قادین وارکک حکومته جلب اولنه لی ، اگر مفتی سبب اطلاقه دائر ارککک سرد ایلده کی ادله یی اطلاقه سبب کافی کوررسه مفتینک امری اوزره اطلاق ایدر ، اگر سبب کافی کورلرزه بوش اول دیسیله بوش اوله مازدیه اجتهاد ایدیور ، و طلاق باینک قطعاً ممنوع اولدیغنه حکم ایدیور .

ینه علمادن سید امیر علی ده تعدد زوجاتک عین زنا اولدیغنه حکم ایدرک جناب پیغمبری مثال کتیرنلری شوصورتله رد ایدیور : حضرت پیغمبرک ازواج مطهراتی نکاحه عائد اولان قوانین قرآنی شرفنازل اولردن مقدم تحت نکاحنده ایدیلر دیور . بوسولدیکم علمالر علوم دینه و اصول فقه متخصصلریدر .

۱۴ — عجبا بوفکرک واسع بر مقیاسده تعمیم ایلده بیله کی ملحوظ میدر ، اهالینک بوفکره قارشی تمایللری نصدر ؟

— شمیدیکی حالده طرفدارلری یوق دکل . بومذهبکده ترویججه چالیشانلر واردر . فقط بالطبع غایت آزدر . مع هذا کیت کیده چوغالما لری ملحوظدر . چونکه هر یکی فکرک صاحبی بدایه از اولدیغنی حالده صوکره صوکره چوغالوب کیدیور .

— افندم تکرار تشکرایدرم ممنون اولدم دیهرک آدرس لرینی آلوب اللرینی صیقه رق ایرلدم . قلبه ، رمضان احمد حمیدی

سبیل الرشاد هریده اسلامیه سی صریقته

بک افندی

عالم اسلامک خادم حقیقیسی اولان محترم سبیل الرشاده بک ناچیزانه بر خدمت ایفا ایتک ایسته دم : بورا پوسته سنه تسلیم ایکی مجیدیه تقدیم ایتدم . بوباره ايله التي آلیق آونه قید ایلده رک اک زیاده محتاج تنویر بریره محترم رساله کزی ارسال بیورمکزی استرحام ایدرم . بومحکم انتخابی ذات عالیکزه براقدم . هر حالده ، عمومی اوله رق ، انتخاب ایدیلده جک محکم ، اسلامک حیاتیله ، استقبالیله اک زیاده علاقه دار اولان زواللی آناطولیمزده اولسی فکرندیم . اومبارک ، فقط مظلم جزو وطنده نور انتباهک پارلامغه باشلادیغنی کورمک قدر بر سعادت تصور ایده م .

۱ دن ۲۰۱ نومروه قدر نسخه لریکز موجوددر . لکن ایکی آیدر طولاشمقده اولدیغمز ایچون محترم نسخه لرینی کورمک ممکن اولیور . بونی سولیکدن مقصدم ، اوچ سنه در ایتدیکم استفاده یه مقابل قلبیده بریکوب قالمش اولان بی پایان تشکراتی ، شووسیله ايله ، ذات عالیلرینه عرض ایتدکر . صوک برجام ده واردر که اوده : ایلریده سبیل الرشادک ترقیسی اوغورنده پایله حق تشبیه اشتراک ایچون مراجعت ایدیلده جک قارلر آراسته بو عاجزی ده اونو تامکزی عرض ایتدکر . قیمتدار وقتکک برقاچ دقیقه سنی اشغال ایتدیکم ایچون عفو کزی استرحام ایلرم افندم .

اسمک جریده ايله اعلاقی قطعاً آرزو ایتم . یالکز نره یه کوندرمکده اولدیغکزی رساله کزله بیلدیرمک لطفنده بولورسه کز بک منتدار اولورم افندم . متروویچه : ***